

趙棟初韻文集



上海古籍出版社

趙
樸
初
韻
文
集



下册

上海古籍出版社

圖書在版編目(CIP)數據

趙樸初韻文集 / 趙樸初撰. — 上海: 上海古籍出版社,
2003.4(2003.9重印)

ISBN 7-5325-3409-X

I. 趙... II. 趙... III. ①韻文-作品集-中國-當代
IV. I227

中國版本圖書館 CIP 數據核字(2003)第 016354 號

趙樸初韻文集

作者 趙樸初

出版發行 上海古籍出版社

上海瑞金二路二七二號 郵政編碼 200010

(1) 網址: www.guji.com.cn (2) E-mail: guji@guji.com.cn

責任編輯 姜俊俊 袁嘯波

發行經銷 新華書店上海發行所

製版 上海華成印刷裝幀有限公司

印刷 上海交大印務有限公司

開本 八五〇乘一一六八 十六開 印張六〇·七五 插頁二五

字數 五〇〇千

版次 二〇〇三年四月第一版 二〇〇三年九月第二次印刷

印數 六〇〇一——八一〇〇册

書號 ISBN 7-5325-3409-X/I·1616

定價 一百六十元

如有質量問題,請與承印公司聯繫 五四七四二九一五

卷六

一九八三年至一九八六年

龍華寺佛像開光、明暘法師升座，志喜

我聞在昔，釋尊懸記。當來導師，次圓種智。龍華三會，度人百億。
四生共皈，三根普被。大師既隱，像教東傳。建塔立寺，龍華導先。
興修相繼，千七百年。法身浮圖，屹立南天。四化啓運，法教重光。
古剎煥采，爲世禎祥。寶相莊嚴，歌動四方。國恩浩蕩，地久天長。
佛像開光，金碧輝煌。名德升座，傳燈承芳。禪林韞秀，戒巘凝香。
法輪恒轉，垂蔭無疆。

一九八三年一月

錢昌照先生以近印詩集見贈，賦此奉答

新詩盡寫工農事，傾耳東風第一聲。看作家書傳海外，幾人不動故鄉情。

一九八三年立春日

滿江紅

周總理誕辰八十五周年紀念

嶽降逢辰，瞻遺像、威光不滅。思教誨、言猶在耳，終身鞭策。學向上游爭到老，戰非盡瘁休言歇。歎不矜、不伐更無私，如日月。新局創，泱泱國。藍圖展，炎炎業。平十年板蕩，改絃易轍。十億精誠天地轉，五年計劃風雲越。喜前人、遺志總能償，沉霾雪。

一九八三年二月

大西良慶長老示寂旬日前，曾爲清水寺大講堂預書楹

聯「光風千里來」五字，曰：「另一句當由趙樸初居士續成之。」聞之衷心感動，乃取經中「佛以一音演說法，衆生隨類悉得解」之義撰句云「妙法一音演」，以贊歎長老一生弘法利生之功德。復拈一偈，以志哀思

聯句殷殷囑託親，友師風義感平生。不堪往事從頭憶，春雨如煙惜別

情。

漢俳二首

贈高田良信上人

路長情更長，

夜行江岸賴扶將。

步履不能忘。

合掌爲欣然，

披荆於今三十年。

福德祝無邊。

一九八三年三月

題蒲松齡故居

誕幻虛荒得未曾，低徊猶有故居存。
阿伽陀藥人間世，千載淵源《百

一九八三年三月

《喻經》。

菅原惠慶長老塔銘

秉如來教，宏闡真宗。敦兩邦好，行願無窮。傳燈棗寺，歸骨玄中。
神鸞一脉，永耀西東。

一九八三年四月

奉賀侯寶林同志相聲生活五十周年紀念

談諧諷喻皆中道，巷議街談盡入詩。五十年來傾四座，相聲亦可比雄師。

一九八三年四月

舟過葛洲壩口占，贈道端長老

升降洪波臂屈伸，葛洲壩啓萬鈞門。長江不盡流東海，風雨同舟記此生。

一九八三年五月三日

張執一同志挽詩

于役黃歇浦，風雨連朝夕。噩耗空中來，大舟竟沉溺。三年憂不解，斯人有斯疾。羣朋相向哭，往事話歷歷。惟君正且直，亂流巋然立。革命至老死，意志不少易。鐵肩擔道義，赤膽當荆棘。身處危難中，猶急人之急。遺言何坦蕩，灰飛不留跡。未免三宿情，寧止萬人泣。大江流哀音，青山標戰績。自有不朽存，不待史官筆。

一九八三年五月十五日

爲楊振華筆莊蘭竹筆作

管城今日推蘭竹，圓齊挺健收纖束。揮來衆妙現毫端，霹靂龍蛇騰尺幅。

一九八三年五月

題陳鶴琴先生文集

艱難風雨憶疇昔，茅屋濟濟教多士。漢語拉丁新發矓，抗戰圖強增利

器。口碑載頌滿人寰，手澤長垂富鉅篇。萬里奇馨發蘭桂，應無遺憾到重泉。

一九八三年五月

漢俳

爲《人民中國》創刊三十周年作

櫻花兩岸明，

江水東流送友聲。

綢繆三十春。

一九八三年五月二十六日

于右任先生詩集題詞

新字帖留標準草，黃花崗記別離詩。海空有盡心無盡，雲繞秦川萬里歸。

一九八三年六月

廖承志副委員長挽詩

萬人會上瞻前席，神采英姿猶奕奕。如何三日遽星沉，落箸撫膺驚霹靂。承家革命炳精忠，盡瘁終身建大功。共覩陸鄰千載業，還期償願九州同。

一九八三年六月十三日

懷廖承志同志

廖公血性人，爲民救焦槁。一門聚忠烈，革命致身早。平生飽憂患，輕視縲絏擾。豪情似火燃，力行直到老。友朋遍中外，至誠肝膽照。惟其植立高，建樹自愈好。不期三日別，遽見泰山倒。千古懷斯人，江流無盡了。

一九八三年六月十七日

漢俳

贈三浦賴子

辛勤三十年，

如今兩岸百花妍。
來往更番番。

一九八三年七月八日

漢俳二首

賀日本曹洞宗管長秦慧玉禪師米壽

海會喜開場，

粒米三千世界藏。

佛壽自無量。

六時禪悅中，

散花聚米作霞紅。

供養有天童。

一九八三年七月

如蘭令

陸大聲、楊惜珍結婚四十周年徵詩，寄贈

舉杯萬里望南天，願花長好，願月長圓。白首同心金石堅，四十年，非等閑。紅梅久試雪霜寒。

一九八三年七月

《世界知識》創刊五十周年志慶

曾撥陰霾夜燭天，千紛萬變海成田。牖民耳目周寰宇，事業崢嶸五十年。

一九八三年八月

讀《李知凡太太》一文有作

略無渲染感人深，四十年前紀實文。忘我虛懷能愛衆，多才遇事每留心。和風化雨蘇枯槁，朗月明霞啓晦昏。目注瓣香思頌禱，參天松柏蔭千春。

一九八三年八月

讀《鄧小平文選》

鄧公一卷書，治國安邦寶。求實復求是，疑難盡分曉。陰霾曾蔽天，澄清看一掃。萬里新長征，南針賴先導。千秋論昆侖，卓識衆傾倒。喜茲新局開，力行不辭老。

一九八三年八月

十八羅漢墨贊

釋子應跡與墨化，摩頂放踵利天下。煙雲舒卷極莊嚴，充實光輝之謂大。喜看寶刹現毫端，隨意宜書復宜畫。

一九八三年九月三日

圓瑛法師示寂三十周年，圓明講堂重光，呈偈志喜

猗歟圓公，佛門龍象。本跡難思，盛名共仰。弱冠披緇，名山結想。訪道禪林，皈心安養。雲游禹域，宗匠徧參。投身法苑，光顯瞿曇。如來家業，誓願荷擔。龍天推出，歷主名藍。報國土恩，願力宏深。

魔燄雖熾，火宅能行。佛協初建，領袖羣倫。作大佛事，維護和平。
飛錫彌天，談空說有。廣度有緣，作不請友。示寂卅年，聲聞彌久。
講堂重光，公其不朽。

一九八三年九月

江陵頌

變化有鵬鯤，新姿煥古城。《九歌》思屈子，千里望江陵。

一九八三年九月

赤津益造先生以黑龍江方正地區日本人公墓圖見示，

屬題

海闊精禽在，山深舊夢溫。劫波終不滅，千古弟兄情。

一九八三年九月

贈日本友人

一衣帶水兩千年，同氣連枝世莫先。過海青囊盲聖藥，藏山畫卷雪雪舟。

禪。不忘啣石精禽夢，共抗橫流鬥志堅。萬古同天好風月，弟兄世世結深緣。

一九八三年九月

河滿子

參觀天津新港。余在車中假寐，錢昌照先生戲問有何夢見。余答云：「夢見周公。」因有此作。

萬噸樓船泊岸，千尋鐵臂橫空。山重囊箱上下，天遙海國西東。新港喜開新局，十年夢見周公〔二〕。

原注：〔二〕一九七三年，周總理曾指示擴建新港。

一九八三年十月十一日

西江月

參觀天津市引灤入津工程

揮手低峯入海，挺身大隧穿山。翻天覆地兩年間，十萬軍民奮戰。
飛下玉虹發電，引來萬戶分甘。天津偉績看清灤，舉國紅旗耀煥。

一九八三年十月

漢俳二首

奉賀雪江堂創立二十周年紀念

佳節值重陽，

廿年初度雪江堂。

海日耀輝光。

翰墨結因緣，

流風化雨兩邦歡。

同賞百花妍。

一九八三年重陽節

爲鄧夫人以散木先生及其女國治遺作捐贈黑龍江書畫

院作

遙天黑水堪依，是處青山可歸。畫卷長留東北，劇憐曙後星隨。

一九八三年十一月十五日

淮海戰役三十五周年紀念

回首風雷卅五年，驚天功業拔三山。而今戰壘成芳甸，更展雄圖與世看。

一九八三年十一月

贈白土吾夫先生

井上翁，東山叟，文學丹青稱上首。筆花曾共散招提^{〔一〕}，舊雨今來携好友。團伊嚶鳴求友聲^{〔二〕}，妙曲不惟天上有^{〔三〕}。夏堀佐藤亦多才，各有千秋皆能手。白土先生誇神足^{〔四〕}，爲敦親誼勤奔走。此來時節不尋常^{〔五〕}，慶功特要勸君酒。昔贈君詩猶在口，君記否？萬回尚欠九千九^{〔六〕}。

原注：〔一〕井上靖曾爲鑿真和尚寫「天平之甍」。東山爲鑿真影堂畫壁畫。佛經有天人散花故事，古人有夢筆生花故事。〔二〕《詩·小雅·伐木》：「嚶其鳴矣，求其友聲。」此指團伊爲中日友好作曲。〔三〕杜甫詩：「此曲只應天上有。」〔四〕神足，佛經稱行步如飛之人爲「神足」。〔五〕白土此來爲第一百次，又值胡耀邦同志訪日，中日友好事業更向前進展。〔六〕古有萬回仙人，日